

Bosna i Hercegovina
Federacija Bosne i Hercegovine

KANTON SARAJEVO

Javna ustanova "Služba za zapošljavanje
Kantona Sarajevo" Sarajevo
SARAJEVO



Bosnia and Herzegovina
Federation of Bosnia and Herzegovina

CANTON SARAJEVO

Public Institution "Employment Service of
Canton Sarajevo" Sarajevo
SARAJEVO

**KRIZNI PLAN PRIPRAVNOSTI
(zbog opasnosti od širenja zarazne bolesti uzrokovane
koronavirusom (covid-19))**

Sarajevo, juli 2020. godine

Sarajevo, Đoke Mazalića 3,
web-stranica: www.szks.ba; e-mail adresa: info@szks.ba
Tel: ++387 (33) 569-100, fax: 204-177; Matični broj: 4200304610003;
Poreski broj: 01079085; Računi IntesaSanpaolo Banka d.d. Sarajevo:
1549212010171056-depozitni račun, 1540012000135120-transakcijski račun



Na osnovu člana 27. Statuta Javne ustanove „Služba za zapošljavanje Kantona Sarajevo“ Sarajevo (broj: 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/16 od 27.06.2016. godine), a u skladu sa naredbom Kriznog štaba Ministarstva zdravstva Kantona Sarajevo , broj:45-20/20 od 04.07.2020.godine , v.d direktorica Javne ustanove „Služba za zapošljavanje Kantona Sarajevo“ Sarajevo“ donosi

KRIZNI PLAN PRIPRAVNOSTI

(zbog opasnosti od širenja zarazne bolesti uzrokovane koronavirusom (covid-19))

I

Ovim planom definiše se način rada i poduzimanje svih higijensko-epidemioloških mjera kao i preventivnih mjera, odnosno postupanje Javne ustanove „Služba za zapošljavanje Kantona Sarajevo“ Sarajevo (u daljem tekstu: Služba) za vrijeme trajanja naredbi i preporuka donesenih od strane Kriznih štabova Federalnog ministarstva zdravstva i Ministarstva zdravstva Kantona Sarajevo, zbog opasnosti od širenja zarazne bolesti uzrokovane koronavirusom (covid-19).

II

Služba je dužna pojačati provođenje opštih i posebnih mjera zaštite od zaraznih bolesti, shodno Zakonu o zaštiti stanovništva od zaraznih bolesti Federacije BiH („Službene novine Federacije BiH“, broj 29/05), sa posebnim akcentom na pojačanu i vanrednu dezinfekciju poslovnih površina i sredstava za rad.

Služba je dužna obezbijediti dovoljnu količinu sredstava za dezinfekciju kao i drugu neophodnu zaštitnu opremu (maske, viziri i ostalo) a sve u skladu sa donesenim naredbama i preporukama od strane nadležnih organa.

III

Radnici su dužni da održavaju svoje radne prostore čistima prema protokolu za borbu protiv bolesti uzrokovane koronavirusom (covid-19), odnosno da redovno dezinfikuju svoj radni prostor i sredstva rada (radnici koji rade sa strankama, najmanje 4 do 5 puta tokom radnog vremena).

Radni prostor potrebno je redovno provjetravati.

IV

Ukoliko se zatvoreni prostor koristi za održavanje sastanaka potrebno je napraviti pauzu između sastanaka u trajanju od najmanje dva sata od prethodno održanog sastanka, kako bi se prostor mogao provjetriti, očistiti i dezinfikovati.

V

U kancelarijama i prostorima gdje boravi više od jednog radnika, obavezno je nositi zaštitne maske za lice bez izuzetka.

VI

Održavanje poslovnih, radnih ili drugih sastanaka, sjednica, na kojima bi bilo potrebno prisustvo više radnika ili drugih učesnika, svodi se na najmanju mjeru, uz primjenu telefonske i/ili e-mail komunikacije.

Ukoliko je neophodno održavanje sastanaka/sjednica, potrebno je među učesnicima osigurati razmak od 1 do 2 metra, uz neophodne epidemiološko-zaštitne mjere.

VII

Ukoliko radnik uoči simptome bolesti (temperatura, suhi kašalj, otežano disanje i dr.) kod radnog kolege a isti to ranije nije sam prijavio, dužan je odmah obavijestiti neposrednog rukovodioca koji dalje preuzima radnje (obavještavanje epidemiološke službe, odstranjivanje radnika sa radnog mjesta i dr.) u skladu sa naredbama i preporukama Kriznog štaba Federalnog ministarstva zdravstva i Ministarstva zdravstva Kantona Sarajevo.

VIII

Radnici su dužni da vode računa o osobama s kojima su bili na udaljenosti manjoj od 2 metra odnosno duže od 15 minuta ("bliski kontakti") u zadnjih 48 sati, odnosno da evidentiraju ili na drugi način označe tu osobu ukoliko bude potrebno da te podatke saopće epidemiolozima.

IX

Rad sa strankama se organizuje uz osiguranje protoka stranaka na način da se omogući potrebna fizička distanca od najmanje 1,5 metar između stranaka uz poštovanje ostalih epidemiološko-zaštitnih mjera (maska za lice bez izuzetaka, korištenje dezinfekcionog sredstva na ulazu u službene prostorije Službe).

Ulazak i izlazak u službene prostorije Službe (sjedište, druge organizacione jedinice, općinski biro) organizuje se na način da stranke ulaze naizmjenično jedna po jedna bez dužeg zadržavanja.

Obavijest o navedenom postupanju iz ove tačke obavezno je istaknuti na ulazne prostorije Službe (sjedište, druge organizacione jedinice, općinski biro).

X

Skupljanje i zadržavanje uradnim prostorijama mimo svog radnog mjesta, potrebno je svesti na minimum isključivo radi obavljanja poslovnih zadataka. Preporučuje se da uposlenici međusobno komuniciraju putem e-maila i telefona.

XI

Nadzor nad provođenjem Kriznog plana pripravnosti vrše predsjednik i članovi Kriznog štaba u JU „Služba za zapošljavanje Kantona Sarajevo, Sarajevo, odnosno rukovodioci Sektora, šefovi Jedinica/Odjeljenja/Općinskih biroa.

Svi zahtjevi za nabavke neophodne za provedbu Kriznog plana pripravnosti donosi Krizni štab te upućuje na realizaciju nadležnim sektorima.

Sve komentare i i pritužbe vezano za nepoštivanje propisanih mjera uposlenici mogu prijaviti Kriznom štabu putem mail adrese: info@szks.ba.

XII

Krizni plan pripravnosti može se promijeniti u skladu sa epidemiološkom situacijom te naredbama i preporukama Federalnog ministarstva zdravstva, Ministarstva zdravstva Kantona Sarajevo, Federalnog štaba civilne zaštite i Štaba civilne zaštite Kantona Sarajevo.

Nadalje preporučuje se redovno informisanje putem web stranice Federalnog ministarstva zdravstva: <https://covid19.fmoh.gov.ba/>

Brošura o Covid 19 sa svim informacija nalazi se na <https://szks.ba/covid-19/>

XIII

Krizni plan pripravnosti stupa na snagu danom donošenja i isti će biti objavljen na web stranici Službe www.szks.ba, dostavljen svim uposlenicima putem e-maila i oglasnim pločama Službe (sjedište, druge organizacione jedinice, općinski biroi).

XIV

Stupanjem na snagu ovog Kriznog plana pripravnosti prestaje da važi Uputstvo o postupanju Javne ustanove "Služba za zapošljavanje Kantona Sarajevo" Sarajevo u cilju poduzimanja mjera zaštite radnika i sprečavanja bolesti izazvane Corona virusom (COVID-19), br. 01-01-0571/20 od 12.03.2020. godine i 01-01-0580/20 od 19.03.2020. godine.

Nepriдрžavanje navedenih mjera predstavlja kršenje Zakona o zaštiti stanovništva od zaraznih bolesti FBiH (Sl. novine FBiH br.29/05)

Broj: 3172/20
Datum: 08.07.2020. godine

